

زهيريات

(١)

انتوا الحمى والذرى للي هوى عيني
ونتوا يا شيخي الرجا للي كصد عيني
ارجو بدعاكم انول الحور والعيني
واسكن جنان الخلد باعلى المراتب ورض
ياللي برضاكم جبر عظمي التكسر ورض
قررت اكتب شعر يرعب طغاة الارض
مازال شيخي دعاللي او كمال قرعيني

(٢)

يرعب جيوش الكفر لوثار هاونكم
مثل الاشواس ولا بالعين هونكم
يا لنقشبندي ادحج حيل ها ونكم
ابطال ساحة وغا فوك الجبل ورجال
وجيوش تزحف لجل نيل الشهادة ارجال
ارحام الحراير مثلكم ماتجيب ارجال
من اجل هذا السمر والببيض هاونكم

(٣)

بغداد باچر تجيچ جيوش كباره
مثل الزواعج زلمها نار كباره
عافت انفسهم رخاء او عيش كباره
صارت اسود اوحوش الغاب هابتها
او كامت تخوف عدو الله هبتها
عهداً الدار السلام انعيد هبيتها
اوحث ان خالصنا ورانا اشبال كباره

$$(\xi)$$

احنه الاشواس وأهالي حروب جراره
 تشهد عليه الكتب وأقلام جراره
 مانبي والناس تبجي دموع جراره
 وعدنه الشهاده على درب الجهاد الهام
 وتحرير ارض الوطن هو المهم الهام
 لولا أمريكا تعرف انا نوطي الهام
 ماچان دكت عليه جيوش جراره

(5)

يا سخط رب العرش هز دارهم والهمر
امريكا الها اجل عند خالكك والهمر
والها مثل ماجرى بينا ظلم والها امر
ونرميك هي تلبسك ياثوب ياكاضي
ويهب عليك نسيم دھوك ياكاضي
من اجل هذا جمعت الحجر ياكاضي
ضميتوا لزغار باجر يرجمون الهمر

(7)

احنه الاشواوس وقوة من الصلاه بينه
اهل الرساله ولاهبنه الصلابينه
شما يستهشنه العدو يلگه الصلاه بينه
وعدنا الشهادة لاجل رايه محمد دين
انقاتل المعتدي الراد يمحي الدين
گوم انهض وشوف ربك ياصلاح الدين
فكو جهنم على جموع الصلابينه

(٧)

الچان سد وسند مرهم شفى عالداي
عگبو الحصيني عاينه بكل وكت عداي
صدام رمز الوفا وعالغانمه عداي
والعرب وكت الوزى للقائد يشورون
وبأصبعهم لحضرته وكت تحمى يشورون
خل بوش يشبع قهر وخل ينتحر شارون
اشراف كل العرب فدوة لبو عداي

(٨)

راحت اشاوس ليوم الضيغ عداة
حگها عليهم نساء الحي عداة
بحسابهم مايوم للانذال عداة
جمال وكت اللزوم الخلق تندهم
وجباهنه بي ذكرهم دوم تندهم
هذوله الحگهم معادة وجميع الخلگ تندهم
تگوم الجيامة وزمانك يگف عداة

(٩)

حبلى الله واحد ولاترضى بغيرو حبال
مهما المجوس جدلت لاجل الكراسي حبال
ان مات صدام يلدنه النساء حبال
صدام معدن ذهب ومن الذهب شنقه
ومن مثلو بين الزلم لمن اتحمه شنقه
ياللى اشفتيتو بابو عداي وبشنقه
كل شهم صدام وزدو للرقاب حبال

(١٠)

بركان چنتي شعجب جمر المراحل هفت
بسوح المعارك ركضتي والغبالج هفت
ياما يمينج هوت فوگ الخصيم وهفت
واليوم سيفج يغبرة بالغماد وصدة
ياربي باب الفتنة عن هالبلاد او صدة
ناديت الا اجزعت ماردي بس الصدة
احتلها الصليبي الردي بلاد النبايا هفت

(١١)

جيش الصليبي هوة بأرض العراق انهار
من حر صوابو اختلف وانعاد ليلو انهار
ياما نهرنهاه لکن مايفيدو انهار
راحت فلولو شريدة وضالگت كساره
وبين حسابو غلط واتخربط كساره
نبقى نكاون ولاننطى العدو كساره
لوسال دمننا على ارض العراق انهار

(١٢)

مثل البراكين عالكافر يصاحب نصر
ونقاتل المعتدي ودوم إقتاله نصر
عدنا توكل على ربنا العزيز ونصير
وتحية اجلال صار النه بفخر واكبار
ومحنة زغيرين بعيون الأنعام اكبار
نبقى نقاتل نسانا ازغارنا وكبار
ليما يتحقق على ايد النشامى النصر